

**956**

Na osnovu člana 24. stav 1. tačka c) Ustava Tuzlanskog kantona („Službene novine Tuzlansko-podrinjskog kantona“, br. 7/97 i 3/99 i „Službene novine Tuzlanskog kantona“, br. 13/99, 10/00, 14/02, 6/04 i 10/04), na prijedlog Vlade Tuzlanskog kantona, Skupština Tuzlanskog kantona, na sjednici održanoj 19.11.2025. godine, donosi

**Z A K O N****O IZMJENAMA I DOPUNAMA ZAKONA O IZVRŠENJU  
BUDŽETA TUZLANSKOG KANTONA ZA 2025. GODINU****Član 1.**

U Zakonu o izvršenju Budžeta Tuzlanskog kantona za 2025. godinu („Službene novine Tuzlanskog kantona“, br. 18/24 i 7/25) u članu 19. iza stava (1) dodaje se novi stav (2), koji glasi:

„(2) Odluku o privremenom finansiranju Kantona donosi Vlada Kantona.“

Dosadašnji stavovi od (2) do (4) postaju stavovi od (3) do (5).

**Član 2.**

Član 52. mijenja se i glasi:

„Član 52.

(Status duga)

(1) Dug Kantona predstavlja apsolutnu i безусловnu obavezu Kantona u skladu sa uslovima definisanim ugovorom o kreditu, zajmu, finansijskom lizingu i propisima o emisiji vrijednosnih papira, te zakonom ili drugim aktom kojim je Kanton preuzeo dug drugog pravnog lica kao svoj javni dug.

(2) Sve obaveze koje čine unutrašnji i vanjski dug Kantona imaju jednak status, bez obzira na to kada su nastale i da li su nastale izdavanjem vrijednosnih papira, uzimanjem kredita, zajmova, finansijskog lizinga ili preuzimanjem duga.

(3) Otplata glavnice duga, plaćanje kamata, naknada i ostalih obaveza na taj dug su prioritarna obaveza Kantona, bez obzira na izvore prihoda i da li su položena na račun u komercijalnoj banci ili na račun kod Centralne banke i ne podliježu, sada ili kasnije, bilo kojem drugom potraživanju.“

**Član 3.**

Član 53. mijenja se i glasi:

„Član 53.

(Instrumenti osiguranja duga)

(1) Dug Kantona se može dodatno osigurati:

- a) Mjenicom;
- b) Namjenskim novčanim depozitom do visine godišnjeg anuiteta;
- c) Cjelokupnim ili dijelom prihoda koji se očekuje od kapitalne investicije;
- d) Prihodima od indirektnih poreza koji pripadaju gradu i općini;
- e) Garancijom banke i društva za finansijsko osiguranje, garancijom Bosne i Hercegovine i Federacije BiH, a dug grada i općine i garancijom Kantona.

(2) U slučaju da se otplata duga dodatno osigurava instrumentima osiguranja iz stava (1) ovog člana odlukom o zaduženju utvrđuje se i ovlaštenje za davanje instrumenata iz stava (1) tačke a) i b) ovog člana.“

**Član 4.**

Član 54. mijenja se i glasi:

„Član 54.

(Način zaduživanja, ovlaštenja i godišnja ograničenja novog zaduživanja)

(1) Kanton se može zaduživati u zemlji i inostranstvu,

u domaćoj i stranoj valuti uzimanjem kredita, zajmova, finansijskog lizinga i izdavanjem vrijednosnih papira i preuzimanjem duga.

(2) Kanton se može zaduživati kratkoročno i dugoročno.

(3) Izuzetno od stava (2) ovog člana, zaduživanje u svrhu finansiranja budžetskog deficita proizašlog iz gotovinskog toka moguće je samo u okviru kratkoročnog zaduživanja.

(4) Kratkoročni dug, nastao radi finansiranja budžetskog deficita proizašlog iz gotovinskog toka, mora se otplatiti u fiskalnoj godini u kojoj je zaduženje i nastalo, te ni u kom vremenskom periodu tokom te fiskalne godine ne smije preći 15% redovnih prihoda budžeta ostvarenih u prethodnoj fiskalnoj godini.

(5) Kratkoročni dug, nastao radi finansiranja budžetskog deficita proizašlog iz gotovinskog toka, neće se smatrati neizmirenim i neće ulaziti u svrhe utvrđivanja ograničenja za zaduživanje i izdavanje garancija.

(6) Ministarstvo finansija ima isključivo ovlaštenje za provođenje postupaka za:

- a) zaključivanje ugovora o kreditu, zajmu i finansijskom lizingu;
- b) izdavanje vrijednosnih papira;
- c) izdavanje garancija.

(7) Ukupan iznos novog zaduživanja Kantona u 2025. godini, po osnovu unutrašnjeg duga, ne može premašiti iznos od 54.000.000,00 KM, kako je utvrđeno u ovom zakonu i Budžetu.

(8) Ukupan iznos novog zaduživanja vanbudžetskih korisnika Kantona u 2025. godini, po osnovu unutrašnjeg duga, ne može premašiti iznos od 30.000.000,00 KM, kako je iskazano u finansijskim planovima vanbudžetskih korisnika i utvrđeno ovim zakonom.

(9) Ukupan godišnji iznos zaduženja svih vanbudžetskih korisnika Kantona ne može biti veći od iznosa utvrđenog u stavu (8) ovog člana.“

**Član 5.**

Član 55. mijenja se i glasi:

„Član 55.

(Godišnje ograničenje iznosa novog zaduživanja Kantona)

(1) Godišnje ograničenje iznosa novog zaduživanja Kantona određuje se budžetom i zakonom o izvršenju budžeta.

(2) U periodu privremenog finansiranja Kanton se može zadužiti po osnovu unutrašnjeg i vanjskog duga do iznosa utvrđenog u odluci o privremenom finansiranju.

(3) U odluci o privremenom finansiranju može biti predviđena mogućnost dodatnog zaduživanja najviše do iznosa tekućih otpлата duga koji ima dospijee u periodu do tri mjeseca po isteku privremenog finansiranja.

(4) Ukoliko se u periodu privremenog finansiranja budžet ne donese do 31. marta, Vlada Kantona ovlaštena je donositi odluke o zaduženju i zaduživanjem osiguravati sredstva za otplatu duga koji dospijeva tokom fiskalne godine.

(5) U slučaju da se vrijednosni papiri emituju sa diskontom, ograničenje se obračunava po nominalnoj vrijednosti emitovanih vrijednosnih papira.“

**Član 6.**

Član 56. mijenja se i glasi:

„Član 56.

(Prethodne saglasnosti, svrha i postupak zaduženja)

(1) Kanton se može zadužiti samo uz prethodnu pisanu saglasnost Federalnog ministarstva finansija.

(2) Kanton može izdati garancije samo uz prethodnu pisanu saglasnost Federalnog ministarstva finansija.

(3) Kanton može davati prethodnu saglasnost za zaduživanje kantonalnim vanbudžetskim korisnicima samo uz

prethodnu pisanu saglasnost Federalnog ministarstva finansija.

(4) Kanton se može zaduživati po osnovu unutrašnjeg duga u sljedeće svrhe:

- a) Finansiranja budžetskog deficita proizašlog iz gotovinskog toka,
- b) Finansiranja budžetskog deficita,
- c) Finansiranja razvojnih programa i kapitalnih investicija odobrenih programom javnih investicija,
- d) Servisiranje duga, uključujući i povezane troškove,
- e) Plaćanja aktiviranih garancija u potpunosti ili djelimično,
- f) Finansiranja uspostavljanja i održavanja rezervi likvidnosti,
- g) Prijevremena otplata duga ili otkupa izdatih dužničkih vrijednosnih papira,
- h) Restrukturiranja nedospjelog duga,
- i) Finansiranja posebnih programa odobrenih od strane nadležnog zakonodavnog ili predstavničkog tijela.

(5) Vlada Kantona donosi posebnu odluku o zaduženju kojom se utvrđuje visina i svrha zaduženja, forma i uslovi zaduženja, rok dospijeca, ovlaštenja za davanje instrumenata osiguranja, te drugi relevantni elementi.

(6) Zaduženje u skladu sa odlukom iz stava (5) ovog člana može se provesti u jednoj ili u više tranši.

(7) Ministar finansija je ovlašten da provede odluku iz stava (5) ovog člana.“

#### Član 7.

Iza člana 56. dodaje se novi član 56a., koji glasi:

„Član 56a.

(Svrha vanjskog zaduženja)

(1) Kanton se može zadužiti po osnovu vanjskog duga u sljedeće svrhe:

- a) Finansiranja budžetskog deficita;
- b) Finansiranja razvojnih programa i kapitalnih investicija odobrenih programom javnih investicija;
- c) Servisiranje duga, uključujući i povezane troškove;
- d) Plaćanja aktiviranih garancija u potpunosti ili djelimično;
- e) Prijevremene otplate duga ili otkupa izdatih dužničkih vrijednosnih papira;
- f) Restrukturiranja nedospjelog duga;
- g) Finansiranja posebnih programa odobrenih od strane nadležnog zakonodavnog i predstavničkog tijela.

(2) Na sva pitanja koja nisu uređena ovim zakonom, a koja se odnose na uslove, način i postupak zaduživanja Kantona, izdavanje garancija Kantona, osiguranje sredstava za servisiranje duga, vođenje evidencija i izvještavanje o dugu i garancijama u Kantonu, te druga pitanja koja se odnose na dug i garancije i prekršajnu odgovornost primjenjuju se odredbe Zakona o dugu, zaduživanju i garancijama u Federaciji Bosne i Hercegovine („Službene novine Federacije BiH”, broj: 45/25) - (u daljnjem tekstu: Zakon o dugu).“

#### Član 8.

U članu 61. iza stava (3) dodaju se novi stavovi (4) i (5), koji glase:

„(4) Nadzor nad primjenom odredbi Zakona o dugu vrši Ministarstvo finansija u okvirima nadležnosti utvrđenih navedenim Zakonom.

(5) Poslove nadzora iz stava (4) ovog člana vrše budžetski inspektori Ministarstva finansija u okviru svoje nadležnosti.”

#### Član 9.

U članu 70. u stavu (7) u drugoj rečenici iza riječi „medrese u Tuzli” briše se zarez i dodaju riječi „i dijela sredstava namijenjenih za sufinansiranje obnavljanja objekta Podrinjske medrese u Zvorniku.”

#### Član 10.

U članu 71. stav (1) mijenja se i glasi:

“(1) Raspored sredstava - sredstva vodnih naknada - (izvor 30) namjenska sredstva i sredstva od primitka (izvor 60) - potrošačka jedinica 14010003 vrši se u skladu sa programom ulaganja sredstava vodnih naknada u oblast vodoprivrede na području Kantona koji donosi resorno Ministarstvo, izuzev sredstava namijenjenih za izmirenje obaveza po osnovu otplata kredita. Na program iz ovog stava saglasnost daje Vlada Kantona. Na osnovu donesenog programa, resorno Ministarstvo donosi pojedinačne odluke o odobravanju finansijskih sredstava.”

U istom članu iza stava (1) dodaju se novi stavovi (2) i (3), koji glase:

„(2) Izuzetno, raspoređivanje sredstava u programu iz stava (1) ovog člana (izvor 60), a koja se odnose na realizaciju kreditnih sredstava u iznosu 10.000.000,00 KM (slovima: deset miliona konvertibilnih maraka) namijenjenih za finansiranje projekta „Rekonstrukcija vodovodne i kanalizacione infrastrukture gradske zone i prigradskih naselja u Živinicama” vršit će se u skladu sa odredbama posebnog ugovora o prenosu namjenskog kapitalnog transfera koji će se zaključiti između resornog Ministarstva i Grada Živnice, a kojim će se posebno urediti pitanje načina doznačavanja sredstava Gradu Živnice, odricanja od prava na učešće u raspodjeli namjenskih sredstava vodnih naknada, procenat učešća izvora 30 - namjenska sredstva - i izvora 10 - budžetska sredstva - u postupku povrata kreditnih sredstava, način i rokovi izvještavanja o namjenskom trošku sredstava i druga pitanja od značaja za realizaciju navedenog projekta, pod uslovom da je projekat uvršten u Program javnih investicija Tuzlanskog kantona 2025-2027. godine, broj: 02/1-11-17480-2/25 od 05.08.2025. godine.

(3) Izuzetno, raspoređivanje sredstava u programu iz stava (1) ovog člana (izvor 60), a koja se odnose na realizaciju kreditnih sredstava u iznosu 10.000.000,00 KM (slovima: deset miliona konvertibilnih maraka) namijenjenih za finansiranje projekata „Rekonstrukcija vodovodnih infrastrukture u gradovima i općinama Kantona” vršit će se u skladu sa odredbama posebnog ugovora o prenosu namjenskog kapitalnog transfera koji se zaključuje između resornog Ministarstva i grada/općine, a kojim će se posebno urediti pitanje načina doznačavanja sredstava gradu/općini, odricanja od prava na učešće u raspodjeli namjenskih sredstava vodnih naknada, procenat učešća izvora 30 - namjenska sredstva - i izvora 10 - budžetska sredstva - u postupku povrata kreditnih sredstava, način i rokovi izvještavanja o namjenskom trošku sredstava i druga pitanja od značaja za realizaciju projekta, pod uslovom da je projekat grada/općine Kantona uvršten u Program javnih investicija Tuzlanskog kantona 2025-2027. godine, broj: 02/1-11-17480-2/25 od 05.08.2025. godine.”

Dosadašnji stavovi od (2) do (6) postaju stavovi od (4) do (8).

#### Član 11.

U članu 76. stav (9) briše se.

Dosadašnji stavovi od (10) do (13) postaju stavovi od (9) do (12).

U istom članu iza stava (12) dodaje se novi stav (13), koji glasi:

„(13) Raspored sredstava - Kapitalni transferi privatnim preduzećima i poduzetnicima (Pomoć privrednim subjektima u oblasti turizma i ugostiteljstva) - ekonomski kod 615500, subanalitika MAE401 (funkcija 0473) potrošačka jedinica 22010001 - vrši se u skladu sa odlukom o uslovima, kriterijima i postupku raspodjele sredstava koju donosi Vlada Kantona na prijedlog resornog Ministarstva, po postupku javnog oglašavanja. Na osnovu donesenih kriterija, a nakon

provedenog postupka, resorno Ministarstvo donosi odluku o odobravanju finansijskih sredstava korisnicima sa iznosima i namjenom.“

#### Član 12.

U članu 80. stav (2) riječi „finansiranje i/ili sufinansiranje projekata u kojima je resorno Ministarstvo ili Vlada Kantona partner“ zamjenjuju se riječima „sufinansiranje projektnih aktivnosti Udruženja Centar za razvoj i podršku Tuzla za implementaciju projekta SMART STEP u okviru Interreg IPA Programa Hrvatska – Bosna i Hercegovina – Crna Gora 2021–2027, u kojem je Vlada Kantona projektni partner“.

#### Član 13.

U članu 86. iza stava (2) dodaju se novi stavovi (3) i (4), koji glase:

„(3) Započeti postupci zaduživanja i izdavanja garancija koji nisu okončani do dana stupanja na snagu Zakona o dugu nastaviti će se u skladu sa odredbama Zakona o dugu.

(4) Konačna alokacija vanjskog duga Kantona, koja je nastala prije stupanja na snagu Zakona o zaduživanju, dugu i garancijama Bosne i Hercegovine („Službeni glasnik BiH“, broj: 52/05), Zakona o dugu, zaduživanju i garancijama u Federaciji Bosne i Hercegovine („Službene novine Federacije BiH“, br. 86/07, 24/09, 44/10 i 30/16) i Zakona o dugu važeća je i obavezujuća.“

#### Član 14.

Ovaj zakon stupa na snagu narednog dana od dana objavljivanja u „Službenim novinama Tuzlanskog kantona“.

BOSNA I HERCEGOVINA  
Federacija Bosne i Hercegovine  
TUZLANSKI KANTON  
SKUPŠTINA

PREDSJEDNIK  
Žarko Vujović, v.r.

Broj: 01-02-550-6/25  
Tuzla, 19.11.2025. godine

## 957

Na osnovu člana 24. stav 1. tačka n) Ustava Tuzlanskog kantona („Službene novine Tuzlansko-podrinjskog kantona“, br. 7/97 i 3/99 i „Službene novine Tuzlanskog kantona“, br. 13/99, 10/00, 14/02, 6/04 i 10/04) i člana 23. Zakona o unutrašnjim poslovima Tuzlanskog kantona („Službene novine Tuzlanskog kantona“, br. 4/10, 5/11, 14/11, 2/12, 8/13, 10/14, 9/15, 13/16, 14/17, 11/18 i 14/18), na prijedlog Komisije za izbor i imenovanja Skupštine Tuzlanskog kantona, Skupština Tuzlanskog kantona, na sjednici održanoj 19.11.2025. godine, donosi

## ODLUKU

### o imenovanju Nezavisnog odbora

#### I.

Za članove Nezavisnog odbora imenuju se:

1. Amir Mešić,
2. Fahrudin Smajlović,
3. Sanja Hajduković,
4. Fahrudin Rožnjaković,
5. Anita Petrović,
6. Amir Dedić,
7. Elvir Abadžić.

#### II.

Nezavisni odbor se imenuje na period od četiri godine.

#### III.

Članovi Nezavisnog odbora imaju pravo na mjesečnu naknadu za svoj rad, čiju visinu utvrđuje Administrativna komisija Skupštine Tuzlanskog kantona.

#### IV.

Ova odluka stupa na snagu danom donošenja i bit će objavljena u „Službenim novinama Tuzlanskog kantona“.

BOSNA I HERCEGOVINA  
Federacija Bosne i Hercegovine  
TUZLANSKI KANTON  
SKUPŠTINA

PREDSJEDNIK  
Žarko Vujović, v.r.

Broj: 01-02-395-29/25  
Tuzla, 19.11.2025. godine

## 958

Na osnovu člana 24. stav 1. tačka c) Ustava Tuzlanskog kantona („Službene novine Tuzlansko-podrinjskog kantona“, br. 7/97 i 3/99 i „Službene novine Tuzlanskog kantona“, br. 13/99, 10/00, 14/02, 6/04 i 10/04), člana 23. stavovi 1. i 5. Zakona o prostornom planiranju i korištenju zemljišta na nivou Federacije Bosne i Hercegovine („Službene novine Federacije BiH“, br. 2/06, 72/07, 32/08, 4/10, 13/10, 45/10, 85/21, 92/21 i 72/24) i člana 41. Zakona o prostornom uređenju i građenju („Službene novine Tuzlanskog kantona“, br. 6/11, 4/13, 15/13, 3/15, 2/16, 4/17, 22/22 i 20/23), na prijedlog Vlade Tuzlanskog kantona, Skupština Tuzlanskog kantona, na sjednici održanoj 19.11.2025. godine, donosi

## ODLUKU

### o izmjenama Odluke o pristupanju izradi Prostornog plana za područje Tuzlanskog kantona za period 2025–2045.

#### Član 1.

U Odluci o pristupanju izradi Prostornog plana za područje Tuzlanskog kantona za period 2025–2045. („Službene novine Tuzlanskog kantona“, br. 7/23 i 18/24), u članu 11. u stavu (1) riječi „31.12.2025.“ zamjenjuju se riječima „31.05.2026.“

#### Član 2.

U članu 12. u tački b) podtački 4) riječi „četiri mjeseca“ zamjenjuju se riječima „devet mjeseci“.

#### Član 3.

U članu 15. u stavu (1) riječi „a stručni koordinator je Zavod za prostorno planiranje i urbanizam, upravna organizacija u sastavu Ministarstva prostornog uređenja i zaštite okolice Tuzlanskog kantona“ brišu se.

#### Član 4.

#### (Stupanje na snagu)

Ova odluka stupa na snagu osmog dana od dana objavljivanja u „Službenim novinama Tuzlanskog kantona“.

BOSNA I HERCEGOVINA  
Federacija Bosne i Hercegovine  
TUZLANSKI KANTON  
SKUPŠTINA

PREDSJEDNIK  
Žarko Vujović, v.r.

Broj: 01-02-551-5/25  
Tuzla, 19.11.2025. godine